

Се за тебе мя врази в (во ?) темницу вдаша,
 За тя на мя своими зубы скрежеташа.
 Дай в терпении помощ, да не болезненно,
 Сердце мое пребудет и не боязненно,
 Готово есть, готово сердце мое, боже,
 На зло мучительское ити за тя ложе.

Нестор

Мир тебе, господине! Что ти в сердцы мнится?

Димитрий

Мое сердце о бозе зело веселится.
 Вы как пребываете? несте ли гонимы
 От неверных? молю тя, исте возвести ми.

Нестор

Не токмо гонение, но смерть, всяк страждает,
 Лий бо Максимианов многих убивает,
 Где христиан устретит промежду поганы,
 Борющися предает на смертныя раны.

Димитрий

И что убо сотворим, друже мой, прорцы ми.

Нестор

За слезами не могу, ти в том помози ми,
 Вем яко еси богу много угодивый.
 Да победится Лий, нас многих победивый.

Димитрий

Бога святых иконы даю ти, возми я.
 Иди, во имя бога победиши Лия.
 Аще с ним сплетишия, держися при вере.
 Нечестива сокрушиши аще кроток без меры
 Огради себе крестом, лобызай иконы,
 Будет тобою попраан славны борец оный.

Нестор

Благослови же и прости мене.

Димитрий

Бог благословит тя,
 В вере и крепости тот да утвердит тя.

Явление 4-е

Максимиан

Слышах, яко мнози збиты христианы
 Чрез Лия, да не востают сопротивно на ны.
 Надежны на бога си и что успевают,
 Да истребятся в конец все, да погибают.
 Призови семо Лия рече: убил много
 И сам не получил ли от кого что злого.